



Բյուրեղավան համայնքում շարունակվում է նշվել Հայաստանի Առաջին Հանրապետության հռչակման և Սարդարապատի 100-ամյակին նվիրված տոնակատարությունները: «Արև» մանկապարտեզի ավագ խմբի սաներն այսօր տոնական տրամադրությամբ էին հաճախել: Փոքրիկները հանդեսի ընթացքում անդրադարձան Առաջին Հանրապետության հիմնադրման պատմական նշանակության, հայ ժողովրդի միասնականությանն և համախմբվածությանը: Երեխաները դրվագներ ներկայացրեցին այդ ժամանակների ճակատամարտերից: Պարզ ու թոթով լեզվով հնչեցրեցին հայոց ազգային երգն ու պարը: Եռագույնով զարդարված դահլիճն էլ ավելի տրամադրող դարձրեց միջոցառումը: Ի դեպ, ձևավորման հեղինակը ծնողներից մեկն էր: Դաստիարակ Լուսինե Գրիգորյանը հանդեսն այնպես էր կազմակերպել, որ ծնողները հեռացան տպավորված: Տնօրեն Էլինա Հայրապետյանը շնորհակալություն հայտնեց ներկաներին հրաշալի ու հայրենասիրական տրամադրություն ապահովելու համար: Վստահ կարող ենք ասել՝ «խիզախ սերունդ ունենք»:

01.06.18